



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Sanctæ Genovefæ Parisiensis & Boni Radij Cisterciensis ordinis diocesis
Antisiodorensis Abbatibus, & Decano Aurelianensi.

urn:nbn:de:hbz:466:1-20020

In eundem ferè modum scriptum est Strigoniensi Archiepiscopo. Venerabilis frater noster Vesprumienfis Episcopus in nostra proposuit præsentia constitutus quod cùm de pace &c. usque nec debuimus confirmare.

*S A N C T Æ G E N O V E F Æ
Parisensis & Boni Radij Cisterciensis ordinis dioecesis Antifidorenfis Abbatibus, & Decano Aurelianensi.*

*Epp 317.
De quâdam
venditione in
monasterio vel
parvamanda.*

Venientes ad apostolicam sedem I. syndicus & quidam monachi Cluniacensis cœnobij nobis exponere curaverunt quod G. Prior & quidam monachi monasterij de Caritate, Abbatis & conventus Cluniacensis, ad quod idem monasterium nullo pertinet mediante, interveniente consentu, absentibus tamen multis ex fratribus de Caritate, quorum intererat, nec vocatis, ac quibusdam contradicentibus & ad sedem apostolicam appellantibus ex eisdem, quasdam possessiones, redditus, & alia bona militiae Templi fratribus in gravem ipsius monasterij lesionem viderunt. Vnde nobis syndicus & monachi memorati humiliter supplicarunt ut vel revocare contractum eundem in dicti monasterij præjudicium temerè attentatum, vel restituere in integrum vice minoris idem monasterium dignaremur; præsertim cum Cluniacensis Abbas Templarii ipsis restituere solutam ab eis pro prædictis bonis & possessionibus pecuniam sit paratus. Dicti vero frates è contrario responderunt quod potentibus ipsis olim contractum venditionis inter ipsos ex parte una & monachos de Caritate ex altera legitimè ac solemniter celebratum auctoritate apostolica confirmari, tam Abbatे ac conventu Cluniacensi, quorum ad hoc auctoritas intervenerat & consensus, quam Priore ac conventu de Caritate per suas litteras postulantibus illud idem, quia nobis ad plenum de ipsius contractus meritis & circumstantiis non liquebat, venerabili fratri nostro Parisensi Episcopo & suis coniunctibus hoc commisimus inquirendum, facientes in inquisitionis litteris mentionem de litteris ad venerabilem fratrem nostrum Senonensem Archiepiscopum & coniunctis suis super lapsu ipsius monasterij destinatis: quorum utrique in executione mandata apostolici processerunt. Demum partibus in nostra præsentia constitutis, pars Templiorum contractum ipsum confirmari petebat, parte altera multipliciter impugnante contractum. Contra quod fuit

Tom. II.

E E e

ex adverso responsum quod communis iuris remedium super deceptione malitiose pars altera implorabat, cum expreßè per lationem judicum & depositiones testium probaretur possessiones venditas sicut & publicè fuisse venales, nec usque tunc temporis emptores occurserant qui tantum pro ipsis possessionibus largirentur. Ipsos quoque fratres ad emptionem jamicetam sola misericordia & monachorum illorum preces, non cupiditas, induxerunt. Probatum etiam esse afferabant legitimè dicti fratres quod venditionis tempore monasterium de Caritate tanto debito premebatur quod omnibus mobilibus pars vicepsima non potuisset exolvi, in debitorum solutionem conversam illam totam pecuniam afferentes, ex cuius accelerata solutione usque ad summam trium milium librarum & ultrà monachis de Caritate à creditoribus est remissum. Proponentes insuper quod venditionis rescissio non expediebat Ecclesiæ memorata, cum vix posset tanta pecunia sine majori gravamine ipsius Ecclesiæ inveniri. Adiebat præterea quod monachi restitutionis beneficium ex eo implorare non poterant, cum super hoc mandatum non receperint speciale: quia secundum legitimas functiones petitio restitutionis in integrum jure minoris mandato non concluditur generali. Nos igitur intellectis quæ partes voluerunt proponere coram nobis, quia de præmissis nobis non potuit fieri plena fides, discretioni vestrae per apostolica scripta mandamus quatinus diligenter auditis quæ partes infra quatuor menses à primæ citationis edicto coram vobis duxerint proponenda, si sufficienter fuerit ostensum quod ex ipsa venditione monasterium de Caritate sit enormiter lesum, vos ipsum restituentes vice minoris, venditionis contractum legitimè rescindatis; ita quod pretium absque Templiorum gravamine restituatur eisdem secundum terminos quibus ipsi pecuniam perfolverunt, & de melioratione, si qua forsan apparuerit, facta per illos eis congrue satisfiat; proviso prudenter ne pro invenienda pecunia eadem possessiones vel aliae distrahanter, ac recipiatur pecunia sub voragine usurarum, ne fortè residuum locustæ comedat brucus, & unde crederetur adhiberi remedium, inde periculum incurritur. Alioquin præscriptum venditionis contractum ratum & firmum faciatis haberi, contradicentes, si qui fuerint, per censuram ecclesiasticam sublato appellationis obstaculo compescentes. Testes autem qui fue-

re

586 Epistolarum Innocentij III.

rint nominati, tam monachi quam Temporales & alij, si se gratia, odio vel timore subtraxerint, per distinctionem eandem appellatione remota cogatis veritati testimoniū perhibere. Nullis litteris obstantibus, si quā apparuerint præter assensum partium à sede apostolica impetratae. Quod si non omnes his exequendis &c. duo vestrum &c. usque exequantur. Datum Lateranix v. Kalend. Martij, pontificatus nostri anno quartodecimo.

*AVRELIANENSI ET ANTISIODORENSI
Episcopis, & magistro W. de Vienna
Canonico Antisiodorense.*

*Epiſt. 158.
Beneficiorum
superfluitas
damna.*

** Supra Cap-
cellario*

In tellesta ratione quam nobis venerabilis frater noster Remensis Archiepiscopus & ejus condelegati miserunt super controversia qua de præbenda Trecensis Ecclesiae vertitur inter venerabilem fratrem nostrum Trecensem Episcopum & dilectum filium Cancellarium Senonensem non duximus eidem Episcopo aliud referendum nisi quod idem Episcopus diligenter advertat qua ratione sustinere possemus ut ipse aliquod ecclesiasticum beneficium cuiquam de cetero personæ concedat plura beneficia obtinenti, si propterea nollet ad mandatum nostrum præfato * Cellario in Ecclesia sua conferre præbendam quia plura dinoficitur beneficia obtainere. Licet enim circa eandem personam beneficiorum sit semper superfluitas improbanda, nonnunquam tamen est toleranda pluralitas, statu personæ provida consideratione penitato. Quare idem prudenter attendat utrum magis expedit ut eidem Cellario ex mandato nostro liberalitatem exhibeat conferendo præbendam quam ex suo iudicio necessitatē incurrat ut ultra non possit alicui plura beneficia obtinenti ecclesiasticum beneficium elargiri, nisi fuerit sufficienter ostensum quod ipse superflua beneficia secundum suum statum possideat. Quod ex eo forsitan non poterit ostendi de facili; quoniam etsi plures præbendas obtineat, ipse tamen penè nullam habere proponitur cuius proventus liberè possit percipere nisi residentiam in ea faciat personalem. Et ex hoc fortassis pendet iudicium utrum & pro Trecensi præbenda condigne recompensatum extiterit in præbenda Remensi. Quicquid ergo super his duxerit faciendum, nobis infra tres menses post susceptionem litterarum nostrarum absque dilatione rescribat. Ideoque discretioni vestrae per apostolica scripta mandamus quatinus dictum Episcopum

ad hoc moneatis attentius & efficaciter inducatis. Quod si non omnes &c. duo vestrum &c. usque exequantur. Datum Laterani x v. Kal. Martij, pontificatus nostri anno quartodecimo.

GEBENNENSI EPISCOPO.

Tu nos duxit fraternitas consilendos utrum illorum sufficiat testimonium ad matrimonium dirimendum qui confan-

*Cap. 10
Ecclesiast. episcopalis
C. 10
De la
a re
apostoli
duo
capit.*

guinitatis gradus ab avunculo & nepote videlicet fratri filio vel fororis, cum de

*fratribus
vel superioribus nihil moverint
vel audierint, incepert computare. Nos*

igitur inquisitioni tuae taliter respondemus, quod cum conjugium multum favoris ob-

*Cap. 10
Ecclesiast. episcopalis
C. 10
De la
a re
apostoli
duo
capit.*

tineat, testes qui ad diuortium celebran-

do

dum produeti consanguinitatis computant gradus, a stipe debent incipere, id est, a parentibus vel germanis, & sic per ordi-

ne

nem distinguere gradus, nominibus pro-

pris

vel equipollentibus indicis designan-

do

personas; præsertim cum sibi testimoniū perhibeant de auditu, quod quia minus est validum, non est in articulo hu-

ju

jucemodi nimium laxanda facultas; cum qua ratione computationem inciperent a

secundo

, eadem ab ulterioribus possent gradibus inchoare. Consequenter autem

*Cap. 10
De la
a re
apostoli
duo
capit.*

quaesisti, ut cum quidam mulierem quan-

dam

aliter induceret nequivisset ut sibi com-

misceretur

carnaliter nisi despontaret eandem, nulla solemnitate adhibita vel alicuius præsentia dixit illi, *Te Iohannes despontat*, cum ipse Iohannes minimè vocaretur, sed fixit se vocari Iohannem, non credens esse conjugium, eò quod ipse non

vocatur

vocaretur hoc nomine, nec haberet propositum contrahendi, sed copulat tantum extorquendi carnalem, utrum inter pre-

dictos

sit matrimonium celebratum, cum mulier consenserit & consentiat in eundem, & ille dissenserit & dissentiat, nec aliud quicquam egerit quam quod superius est expressum, nisi quod cognovit eandem. Super quo fraternitati tuae taliter respondemus, quod cum præfatus vir dicat despontavit mulierem in propria quidem persona, etsi sub nomine alieno, quo tamen vocari se fixit, & inter eos carnalis sit copula subsecuta, videretur forte pro cō-

jugio

præsumendum, nisi tu nobis expres- se scripisses quod ille nec proposuit nec consernit illam ducere in uxorem. quod qualiter tibi constituerit non videmus. Nos tamen quid juris sit rescriptentes, hoc dicimus, quod si res ita se habuerit, videlicet quod ille nec proposuit eam ducere in ux-